

جَزَنَكْ مَحَاكِرْ

جمعه ایرتسی

نومرو	جمادی الاخره	سنه	تشرین اول	سنه	صحیفه
۸۹۹	۱	۱۳۱۴	۲۶	۱۳۱۲	۱۲۷۰۱

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکریمی فروش)
 (حسابیله التمش فروشدر . طشره لر ایچون اون بش فروش پوسته اجرقتی ضم اولنور . بهر)
 (نسخسی ینه مجیدیه یکریمی فروش اولق اوزره یوزپاره به هریرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دأره سنده کائن جریده محاکم اداره سنه مراجعت ایلیلدر)

قسم غیر رسمی

صندوقی بدایت محکمه سندن ۶ ایلول
 سنه ۳۱۱ تاریخی و اوتوزیدی عددی ایله
 ویریلان اعلامدن ما بعد

ایجابی مذاکره اولندقدده اعلام مذکورک
 نتیجه مالی مرقوم محمد طرفندن اشترا اولنان
 برچفت طوسونه مزبوره امینه خاتون طرفندن

وضع اولنان جزک تصدیقنه حکمدن عبارت
 اولسنه نظراً حکم واقع اسباب موجبیه مستند
 و اصول وقانونه موافق اولوب مستدعی تمیزک
 بالاده محرر اعتراضی ایله اعتراضات سائره سی
 نقض حکمی موجب کوریه مدیکندن اعتراضات
 واقعنه ک ردیه اعلام مذکورک تصدیقنه ومدعی
 علیها نک تحقیق ایدن فقر حالنه مبنی صورت
 خرجنک عفو یله یالکیز زیرده مفرداتی مرقم
 سکسان سکیز یقق فروش مصارف محاکمه نک
 مستدعی تمیزه عائد اولق اوزره اول امرده

مدعی علیها دین اخذینه فی ۲۵ نisan سنه ۳۱۳
تاریخنده متفقاً قرار ویریلرک تفهیم قلندی .

اینجه صو بدایت محکمہ سندن ه مارت
سنه ۳۰۷ تاریخی و بر عددی ایله ویریلان
اعلامک تمیزینی استدعا ایدن اینجه صو قصبه سنک
جامع جدید محله سنده سا کن همت افا ایله مدعی
علیه قصبه مذ کورده مقیم احمد بشه اوغلی حاجی
مصطفی افا یوم معینده دائره یه کلدکلرندن اصول
محاکمه حقوقیه قانونک ایکوز یکرمی طقوزنجی
ماده سی موجبجه تدقیقات تمیزیه اجراسنه
ابتدار قلندی .

اعلام مذ کورک خلاصه مالی مرقوم مصطفی
اغانک یاغی اوغلی عبدالله دن تفرغاً عهده نصر فده
بولنان اینجه صو داخلنده بش اغیل نام محله
کائن برقطعه قشلاغه مزبور همت افا طرفندن
وقوعبولان مداخله نک منعی طلب ودعوی
ایتمسنه قارشو مرقوم همت افا دخی مذ کور
قشلاغک ایکی سهمی گندوسنک زوجه وبالذیندن

تفرغاً تصرف اتمکده اولدینی مدافعه ادا
ایلمسی اوزرینه ذی الیدلکک بالینه ثبوتندن
صکره اولبابده اجرا قلنان کشف وتدقیقات
نتیجه سنده مذ کور قشلاغک بدرندن انتقالاً
مرقوم عبده عهده سنده اولدینی سکسان طقوز
سنه سی یوقلمه اثناسنده طوتیلان قیودمندرجانیه
ثابت اولوب مرقوم عبدالله ک دخی مذ کور
قشلاغی مدعی یه فراغ ایتدیکی همت اغانک وقوعبولان
اقرارندن اکلاشلدینی بیانیه مرقوم همت اغانک
مداخله سنک منعه حکمدن ومستدعی تمیز همت
اغانک اشبو حکم علیهنده لایحه سنده محررباشلوجه
اعتراضی خصمنک تصرف دعواسی سنداً اثبات
ایده مامش وکندوسی مذ کور قشلاغه اون بدی
سندن برو متصرف بولندینی جهته دعواده
مرور زمان بولنش ایکن بورالینه دقت اولنماسی
مغایر قانون اولدینندن بحمله اعلام مذ کورک
نقضی استدعاسندن ومدعی علیه ک لایحه سنده
مندرج نتیجه جوابی دخی اعتراضات مذ کورده نک
واهی وحکم اعلامک موافق قانون اولدینی
بیانیه تصدیق طلبندن عبارتندر .

ایجابی لدی المذاکره اعلام مذ کور مطالعه
سندن اکلاشلدینی اوزره منازع فیه قشلاغه
همت اغانک واضح الید اولدینی حقننده اقامه

زورسنجانی بدایت محکمہ سندن ۱۳ اغستوس
سنه ۳۰۵ تاریخی و یکرمی درت عددی ایله
ویریلان اعلامک تمیزینی استدعا ایدن زور
قصبه سنک عمری جامع شریفی محله سنده سا کن
اتمکچی استپان و برادری رفائل ایله مدعی علیه
قصبه مذ کورده نک منافعه محله سنده سا کن سریانی
قتولک ملتی رئیس روحانیسی ایلیا نخبه افندی
یوم معینده دائره یه کلدکلرندن اصول محاکمه
حقوقیه قانونک ایکوز یکرمی طقوزنجی ماده سی
موجبجه تدقیقات تمیزیه اجراسنه ابتدار
اولندی .

اعلام مذ کورک خلاصه مالی مومی الیه
ایلیا افندی سنک عمری جامع شریفی محله سنده
متصرف اولوب اوچوز درت تاریخنده فرات
نهرینک طغیانیه برچوق دکانلر ایله برابرمنهدم
اولان برباب دکاتی تعمیر ایده جکی اثناده مجدداً
کشاد ایدیلرک طریقندن طولانی محل مذ کورده
دکانلری بولنان مرقوم یوسف ورفائل ایله بینلرنده
ظهور ایدن اختلاف اوزرینه کندی دکانندن
طریق نه مقداریرالنه جق اولورایسه ویره جکلرینی
ناطق برقطعه شرطنامه اعطا قلنش اولدینی
حاله مؤخرأ شرط مقاوله خارجنده اوله رق

واستماع اولنان شهودک اصولی دائره سنده
تذکیرلرینک اجرا ایدللمسی ومذ کور قشلاق
اراضی امیریهدن اولمسيله بونک ایچون سنوی
جانب میری یه مقطوعاً بر رسم ویرلمکده اولمس
طیبی کورندیکندن اشبو رسم مقطوع سنوینک
نه مقدار ایدوکی وشمیدی به قدر کیمک طرفندن
ایفا قلندینی ومدعینک مذ کور قشلاغه تصرفی
نیه مستند اولدینی تحقیق قلنهرق تبین ایده جک
حاله کوره برقرار ویرلمک مقتضی اولدینی حالده
بوجهت لک دخی تحقیق قلنماسی نقصانی تدقیقاندن
معدود اوله رق اصول وقانونه مغایر کورنش
اولدیننه بناء اصول محاکمه حقوقیه قانونک
ایکیوز قرق برنجی ماده سی موجبجه اعلام
مذ کورک نقضیه قانون مزبورک ایکوز قرق
دردنجی ماده سی حکمنه توفیقاً کیفیتک صورت
مشروحه دائره سنده یکیدن بالرؤیه اعلامه ربطی
ضمننده محکمه مذ کورده اعاده سنه وزیده مفرداتی
مرقم درتیوز درت بیق غروش مصارف تمیزیه نک
ایلروده حقسنر چیه جق طرفه رجوع اتمک
اوزره اول امرده مستدعیدن النسنه ۲۰ ایلول
سنه ۳۱۱ تاریخنده متفقاً قرار ویرلدی .

انشاء آتیه قیام ایلمش اولدقلرندن بمثلله انشا
ایتدکلری ابنیه نك هدمی وغصب اولنان محلك
کندوسنه ترك وتسليمی خصوصلرینی طلب
ودعوی ایتسنه قارشو مدعی علیهما دخی بلدیله
معرفیله تسویه طرق ضمنتده عموماً دکانلردن
یر الدینی کی مدعینك دکان عرصه سندن دخی
بر مقداری طریقه النش ايسه ده تسویه طرق
معاملاتی بلدیله مجلسنك جمله وظا نفندن اولوب
بوخصوصده کندولری ذیمدخل اولدقلرندن
کندولرینه خصومت توجه ایتیه جکئی مدافعه
تذکار ایتلری اوزرینه محکمه جه اجرا قلنان
کشف وتحقیقات نتیجه سنیده مومی الیه ایلیا
افدینك دکانندن طریقه یرافراز اولغیوب
اتصالنده کی فرو نك بولندینی محلدن یر افراز
ایدلیکی و بناء علیه مذکور دکانك عرصه سی
بحساب تربیی یکریمی آرشون اولمق اوزره
مدعینك تحت تصرفده اولدینی حالد مدعی علیهما
دکانلرك تعمیری ائناسنده مدعی مومی الیهك
اذنی اولقسزین دکانی عرصه سندن طولاً طقوز
وعرضاً ایکی یچق آرشون محلی اوزرینه اوچ
باب دکان بنا وانشا ایتش اولدقلری تحققی ایلمسنه
وقفط ابنیه جدیده کر اوله رق انشا ایدلمسندن
قلعنده مضرت اولدینی اكلاشلمسنه مبنی مجله نك

بيك يديوز اوتوز التنجي وطقوز يور التنجي
ماده نری موجبجه مدعی علیهما نك منع مداخله
لریله ایلروده اعطا ایده جکلری استدعا اوزرینه
مستحق القلع اوله رق ابنیه مذ کوره یه تقدیر قیمت
ایدلمسنه حکمدن و مستدعی تمیزلرك اشبو حکم
علیهنده لایحه لرنده محرر باشلوجه اعتراضاتی
حین تسویه طرقده دکان مذکور عرصه سندن
طریقه النش محل بلدیله معرفیله تسویه قلنمش
اولدینی بدایه بیان ایتش اولدقلری حالد
بواقده لرینه حواله سمع اعتبار ایدلماسی مغایر
قانون اولدینندن بمثلله اعلام مذ کورک تقضی
استدعاسندن و مدعی علیهك لایحه سنیده مندرج
نتیجه جوابی دخی موافق قانون اولان اعلامك
تصدیقی طلبندن عبارت بولنمشدر .

ایجابی لدی المذاکره اعلام مذکور مللندن
منفهم اولدینی اوزره حین تسویه طرقده دائره
بلدیله جه طرفینك دکان عرصه لرندن یول کشاد
ایدلمش اولمسنه نظراً مدعینك عرصه سندن
نه مقدار و مدعی علیهما نك عرصه لرندن نه قدر
محلك طریقه الدینی دائره بلدیله دن بالسؤال
النهجق جواب اوزرینه بوصورت حل مسئله یه
کافی کورلمدیکی حالد محل منازع فیهك اجرای

یوم معینده دائره یه کلوب مدعی علیهم ازمیرده
فاصولیه نام محلد مدعیون استپان و دیمتری
و آرتین ورود ایتدکلری کی استپان طرفندن
لایحه جوابیه دخی کوندرلمدیکسندن یالکز
مستدعی مرقومك ایضاحات شفاهی سی استماع
قلندقدن صکره تدقیقات تمیزیه اجرا سنه ایتدار
اولندی .

اعلام مذکورک خلاصه مآلی مومی الیه
علی رضا افندی مدعی علیهمدن مرقوم استپان
ذمتنده با اعلام محکوم به الاجبی اولان مبالغ
معلومه نك تأمین استیفاسی ضمنتده مرقوم
استپانك دکاننده بولنان اموالی تحت حجزه
الدیرمش اولوب حالبوکه اموال مذ کوره
کندولرینك ایدوکنی مرقومان دیمتری و آرتین
ادعا ایتکده اولدقلرندن بمثلله مدیون مرقومان
دیمتری و آرتینك جلیله بالحا که حجز موضوعك
تصدیقی طلب وادعا ایتش ايسه ده اولبابده
اجرا قلنان محاکمه و تدقیقات نتیجه سنیده سالف
الذکر حجز استدعاسنه اجرا مأمورلنی طرفندن
یازیلان شرح تاریخنه نظراً حجز واقعك تصدیق
حقنده لازم کلان عرضحال سکز کوندن عبارت
اوله رق مدت قانونیه نك مرورندن صکره

کشفیله تبیین ایده جك حاله کوره اولبابده برقرار
وبرلمسی اقتضا ایدر ایکن محکمه مذ کوره جه
بوراسندن ذهول یله برمنوال محرر حکم ویرلمسی
تدقیقاتجه نواقصدن معدود اوله رق اصول و قانونه
مغایر کورندیکسندن اصول محاکمه حقوقیه
قانوننك ایکیز اوتوز ایتکسجی ماده سی موجبجه
اعلام مذ کورک تقضیله قانون من بورك ایکیز
فرق در دنجی ماده سی حکمنه توفیقاً کیفیتك
یکیدن بالرؤیه اعلامه ربطی ضمنتده محکمه
مذ کوره یه اعاده سنه وزیرده مفرداتی مرقم
در نیوز یکریمی طقوز یچق غروش مصارف
تمیزیه نك ایلروده حقسز حقه حق طرفه رجوع
ایتمك اوزره اول امرده مستدعیلردن اخذینه
۲۰ مارت سنه ۳۰۹ تاریخنده متفقاً قرار
ویرلدی .

ازمیر تجارت محکمه سندن ۲ مایس
سنه ۳۱۰ تاریخنی و یکریمی اوچ عددی ایله
صادر اولان اعلامك تمیزینی استدعا ایدن ازمیرده
باقر بزارستاننده مقیم صراف علی رضا افندی

ویرلیدی اگلاشایدیغندن ادعای مذکورک ردینه حکمدن و مستدعینک اشبو حکم علیهنده کی اعتراضاتنک باشلوجه سی دعوی واقعده جز نامه نک متحجزه تاریخ تبلیغی معتبر اولوب جز نامه نک تصدیقه دائر یازیلان شرح تاریخی نظر اعتباره الذرق مد نک مرورندن بختله رد استدعایه قرار ویرلسی مغایر قانون اولدیغندن بختله اعلامک تقضی استدعاسندن و مدعی علیهمدن مرقومان دیمتری وارینک لایحه لرنده مندرج نتیجه جوابلری دخی حکم واقع موافق اصول و قانون اولوب واهی بولسان اعتراضات مسروده نک ردیله اعلام مذکورک تصدیقی طلبندن عبارت بولمیشدر .

ایجابی مذاکره اولندقدده اعلام مذکور مندرجاتندن منقهم اولدینی اوزره مرقوم علی رضا افندی طرفندن اعطا قلنان تصدیق چیز استدعاسنک بروجه محرر ردینه قرار ویرلمش ایسهده تصدیق چیز استدعاسی چیز نامه نک متحجزه تبلیغی تاریخندن اعتباراً سکنز کون ظرفنده ویرلک لازم کلوب یوقسه چیز نامه یه اجرا مأمورانی طرفندن یازیلان شرح تاریخنک مبدأ عدایدیه میه جکی درکار ایکن محکمه جه شرح

مذکور تاریخنک مبدأ عدیله اندن اعتباراً بالحساب مدت قانونیه نک مرورینه ذهاب ایله رد استدعایه قرار ویرلسی مخالف قانون اولدیغنه و مستدعینک اعتراضی دخی بوجهته متدائر اوله رق شایان قبول کورندیکنه بناء اصول محاکمه حقوقیه قانون موقتک ایکوز اوتوز ایکنجی ماده سی موجبجه اعلام مذکورک تقضیه و قانون مزبورک ایکوز قرق دردنجی ماده سی موجبجه صورت مشروحه دائره سنده کیفیتک بالرویه اعلامه ربطی ضمنتده محکمه مذکوریه اعاده سته وزیرده مفرداتی مرقم بشیوز التمش الی یحقی غروش مصارف تمیزیه نک ایلروده حقیر حقیقه حق طرفه رجوع ایتک اوزره اول امرده مستدعینک التمسینه ۳ شباط سنه ۱۳۱۱ تاریخنده متفقاً قرار ویریلهرک تفهیم قلندی .

درسمعات بدایت محکمه سی برنجی حقوق دائره سندن ۱۳ تشرین ثانی سنه ۱۳۱۱ تاریخی وسکنز یوز طقسان یدی عددی ایله ویریلان اعلامک تمیزینی استدعا ایدن یدی قلهده مالجی

محل سنده چراغی حسن زقاغنده نومروسیز خانهده مقیمه خدیجه خانم وکیلی نشأت افندی ایله مدعی علیها محله مذکورده یدی نومرولی خانهده مقیمه امینه خانم یوم معینده دائره یه کلدکارندن ایضاحات شفاهیه لری استماع قلندرق تدقیقات تمیزیه اجراسنه ابتدار اولندی .

اعلام مذکورک خلاصه مالی مزبوره امینه خانمک مزبوره خدیجه خانم ذمتنده جهت قرضندن الاجبی اولان اون اوچ لیرا یتمش غروشک مع فائض تحصیلنی طلب ودعوی ایتسنه قارشو مدعی علیها وکیلی مومی الیه نشأت افندی دخی موکله سی اساساً مدعیه دن درتیوز اوتوز ایکی غروش المش ایسهده اخیراً بوندن اوچبوز بش غروشی مزبوره یه تقدراً اعطایا ایلدیکی کبی باقی قلان یوز یکریمی یدی غروشی دخی مدعیه مزبوره نک امریله دوکونه صرف ایلمش اولدیغنی بیان ایله بشقه برپاره بورجی قالمدیغنی مدافعه درمیان ایتسی اوزرینه عندالحاکمه مبلغ مدعابه حقنده مدعیه جانبندن و اوچبوز بش غروش تسلیماته یوز یکریمی یدی غروشک دوکون مصرفه صرفه دائر مدعی علیها خدیجه خانم طرفندن اقامه اولنان شاهد لریک استماعیله

جریان ایدن تدقیقات نتیجه سنده مدعیه مزبوره نک مزبوره خدیجه خانم ذمتنده اون اوچ لیرا یتمش غروش الاجبی اولدینی شهودک شهادت واقعده لریله تبیین ایتدکدنصکره بوکا محسوباً مدعی علیها طرفندن ادعا اولنان اوچبوز بش غروش تسلیماتندن مدعیه نک اصل مطلوبی اون بش لیرا اولدینی حالده اون اوچ لیرا یتمش غروش ادعا ایتسی اولجه مقبوضی اولان معلوم المقدار مبلی اقرار و اعترافندن منبعث اولوب مدعی علیها خدیجه خانم تسلیمات ایله دوکونه صرف ایلدیکی مبلی دفعنه موافق صورتده اثبات ایدهمیوب مدعیه نک بوبابده تحلیغنی دخی طالبه اولماسنه بناء مدعابه اولان اون اوچ لیرا یتمش غروشک مع فائض مدعی علیها خدیجه خانم دن بالتحصیل مدعیه مزبوره امینه خانمه اعطاسنه حکمدن واشبو حکم علیهنده مستدعی تمیز خدیجه خانم وکیلی نشأت افدینک باشلوجه اعتراضی خصی طرفندن اقامه ایدیلان شاهد لریک سوز لرنده مبیانت بولمیشیله برابر اقامه ایدیلان اوچ نفر شاهد لردن ایکسی اون بش لیرایه ویرسی دخی اون بش لیرا ایله یتمش غروشه شهادت ایتدک لری حالده مقبول طوتلمسی وشاهد لریک اختلافنک تدقیق اولنماسی مغایر قانون اولدیغندن بختله اعلامک تقضی استدعاسندن

ومدعی علیها امینه خانمک نتیجہ جوابی دخی
اعتراضات واقعہ نک واهی و بی اساس ایدوکی
بیانیه ردی و موافق اصول و قانون اولان
واعلامک تصدیق طلبندن عبارت بولمشد.

ایجابی مذاکرہ اولندقدہ اعلام مذکور
مآلندن اکلشالیدینی اوزرہ تسلیمات دعواسنی
اثبات ضمنتہ مدعی علیها خدیجہ خانمک اقامہ
ایلدیکی شهوددن راشد افندینک اولجہ دعویہ
موافق صورتہ ایضای شہادت ایتدیکی اعلام
مذکورہ تصریح قلمش اولدینی حالہ مؤخرآ
من بورہ نک اقامہ ایلدیکی محمد افندینک دعویہ
موافق شہادت ایتسہ بیلہ شاهد واحد اولوب
نصاب شہادتہ بالغ اولہ میہ جفی بیانیه محمد افندینک
استماعندن صرف نظر ایدلمسی راشد افندینک
شہادتینک قبول ایدلمسنہ نظر اخلاف واقع اولدینی
کبی مبلغ مدعاہک تنزیل مقدارندہ دخی سہو
ایدلمسی یولسز اصول و قانونہ مغایر کورنمش
اولدینندن اصول محاکمہ حقوقیہ قانوننک ایکوز
اوتوز ایکنجی وایکیوز قرق برنجی مادہ لری
موجبجہ اعلام مذکورک نقضیلہ قانون مذکورک
ایکیوز قرق در دنجی مادہ سی حکمنہ توفیقآ
کیفیتک قانون دائرہ سندہ بالرؤیہ اعلامہ ربطی

ضمنندہ محکمہ مذکورہ اعادہ سنہ وزیردہ مفرداتی
مرقم اوچیوز الی دوت غروش مصارف
محاکمہ نک ایلرودہ حقسز جیقہ جق طرفہ رجوع
ایتمک اوزرہ اول امردہ مستدعیہ تمیز خدیجہ
خانمدن اخذینہ ۱ شباط سنہ ۳۱۱ تاریخندہ
متفقاً قرار ویریلہ رک تفہیم قلندی.

صندقلی بدایت محکمہ سندن ۶ ایلول
سنہ ۳۱۱ تاریخی و اوتوز یدی عددی ایله
ویریلان اعلامک تمیزینی صندقلینک چای محلہ سندہ
مقیم چرجی زادہ سلیمان افندی با عرضحال
استدعا ایتدیکی حالہ یوم معیندہ دائرہ کلیوب
مدعی علیها قصبہ مذکورہ نک چاقر محلہ سی
ساکنہ لرندن اوزون علی کریمہ سی امینہ خانم
ورود ایتمش اولسلیہ ایضاحات شفاهیہ سی استماع
قلندقدن صکرہ تدقیقات تمیزیہ اجراسنہ ابتدار
قلندی.

اعلام مذکورک خلاصہ مالی مومی الیہ
سلیمان افندی یمان ہمت اوغلی علاق خلیل
نام کسنہ نک اشترا ایتمش اولدینی اوچیوز اوتوز

عدد اغاجدن ایکوز عددینی من بورہ امینہ خانم
مرقوم خلیلک ظنیلہ تحت ججزہ الدیرمش
اولدینندن بمثلہ ججز مذکورک فکئی طلب
ودعوی ایتمش ایسہدہ اولبایدہ جریان ایدن
محاکمہ و تدقیقات نتیجہ سندہ ادما اولنان اغاجلرک
بیع وشراسنک ججزک ایقاع ایدلدیکی کون
وقوع بولدینی تحقق ایتدیکندن ادعای مذکورک
ردیلہ ججز واقعک تصدیقہ حکمدن و مستدعینک
اشبو حکم علیہندہ لایحہ سندہ محرر باشلو جہ
اعتراضی منازع فیہ اغاجلری جزدن مقدم
مباہیہ ایلدیکئی شہود شخصیہ ایله اثباتہ مقتدر
ایدوکنی مدافعہ بیان ایتمش ایکن محکمہ جہ نظر
التفاتہ النامسی و بیع وشرای جزدن اولمی یوقسہ
صکرہ می واقع اولمشدر بوراسی دخی تحقیق
وتدقیق ایدلماسی مغایر قانون اولدینندن بمثلہ
اعلامک نقضی استدعا سندن و مدعی علیها نک
نتیجہ جوابی دخی اعتراضات واقعہ نک غیروارد
اولدینی بیانیه ردی و موافق اصول و قانون
اولان اعلامک تصدیق طلبندن عبارت بولمشد.

قونیہ تجارت محکمہ سندن ۲۶ سوال
سنہ ۳۰۳ تاریخی ایله ویریلان اعلامک تمیزینی
استدعا ایدن سلہ قصبہ سندہ مقیم تجاردن ویانوس
اوغلی حاجی یوردان ایله مدعی علیہما قونیہدہ
مقیم تجاردن زیتونجی اوغلی حامبو ویورغا کی

ایجابی مذاکرہ اولندقدہ اعلام مذکورک
نتیجہ مالی مومی الیہ سلیمان افندینک اشترا
ایتمش اولدینی اوچیوز اوتوز عدد اغاجدن

اثبات ایدہ میوب فاحش فائض دخی تحت اعترافندہ
اولدینی کبی مقداری حقندہ دخی تکلیف اولنان
یمینی اجرادن نکول ایتسی جہتلہ رأس المال
اولان اون بش بیک غروش اوزرینہ درت
بیک اوچیوز الی یدی کونلک قرقر پاره دن
بردوزی یه یورودیلاں یکرمی بر بیک یدیوز
سکسان بش غروش گذشته نک ضمیله اوتوز
اللی بیک یدیوز سکسان بش غروشه بالغ اولوب
تواریخ معلومه ده و قوعبولان تسلیماتک
یوریدیلاں فائضله جمعا اوتوز سکز بیک سکز
یوز سکسان ایکی غروشه بالغ اوله رق شو حالده
دین مذکور کاملاً تأدیہ اولغسبله برابر داین
مرقوم اوزرینہ فضله ایچہ بیله یکدیکی اکللا
شلمسینه و مراجه نظامنامه سی موجبجه بونک
استردادی جائز اولدیغه بناء مرقوم حاجی
یوردانک رد اداسنه حکمدن و مستدعینک اشبو
اعلام علیهنده لایحه سنده محرر باشلوجه اعتراضاتی
خصم لریک تحت اعترافندہ اوله رق اثبات مدعایه
کافی بدنده سند وار ایکن محکمه جه نظر دفته
الغامسی و مجله نک بیک بشیوز سکسان طقوزنجی
ماده سی احکامجه امر تحلیفک کندوسی حقندہ
اجراسی مقتضی اولدینی حالده خصمنه اجرا
ایتدیرلسی مغایر قانون اولدینندن بختله اعلامک

یوم معینده دائرہ کلدکرندن اصول محاکمه
حقوقیه قانونک ایکوزیکرمی طقوزنجی ماده سی
موجبجه تدقیقات تمیزیه اجراسنه ابتدار
اولندی .

اعلام مذکورک خلاصه مالی مزبور یوردان
مرقومان حامبو و یورغاک ایله بودوس وارسلان
اوغلی حاجی یوان ذمترنده یکدیگرینہ کفیل
بالمال اوله رق مطلوبی اولان یوز یتمش ایکی
لیرانک مرقوموندن حاجی یوان جانبندن وقوع
بولان یتمش بش لیرا تسلیماتک تنزیلله متبای
طقسان یدی لیرانک مرقوم یورغاک و حامبودن
مع فائض تحصیلی دعوی و اثبات مدعی ضمننده
برقطعه سند ابراز واعطا ایتسی و عندالحاکمه
مدعی علیهمدن یورغاک رأس المال یوز یتمش
ایکی لیرا اولیوب یوز الی لیرا اولدینی و سند
مذکورہ محسوباً تواریخ مختلفه ده یوز یتمش بش
لیرا ایله افیون بدلی اوله رق بیک طقوز یوزاللی
غروش تسلیمات و قوعبولوب شو حالده دین
مذکور تأدیہ اولغش و بناء علیہ سند مذکور
بدلسز قلمش ایدوکنی مدافعه درمیان ایلمسی
اوزرینہ جریان ایدن تدقیقات نتیجه سنده داین
مرقوم یوردان رأس المالک زیاده اولدینی

نقضی استداسندن ومدعی علیهمادن یورغاکینک
ویرمش اولدینی جواب لایحه سنک نتیجه مالی
اعتراض مذکورک واهی اولدینی بیانیله ردی
و موافق اصول و قانون اولان اعلامک تصدیق
طلبندن عبارت بولنمشدر .

ایجابی مذاکره اولندقدہ اعلام مذکور
مآلندن اکللا شلدینی اوزره عندالحاکمه مدعی
علیه مدعینک ابراز ایتسی اولدینی سند موجبجه
ایچہ المیوب نقصان الدینی مدافعه درمیان
ایتمسینه کوره محکمه جه مرقومک اشبو دفی اثبات
ایتدیرلک و ایدہ مدیکی حالده داین بولنان مدعی یه
نقصان حقندہ یمین ویرلک لازم کلور ایکن
یورولده اجرای معامله اولغامسی قانونه مغایر
اولدینغه و مستدعینک اعتراضی دخی بوجهته
متدائر اوله رق شایان قبول ایدوکنه بناء
اصول محاکمه حقوقیه قانونک ایکوز اوتوز
ایکنجی ماده سی موجبجه اعلام مذکورک
تفضیله کیفیتک بوجه مشروح بالرؤیه اعلامه
ربطی ضمننده محکمه مذکوریه اعاده سنه وزیرده
مفرداتی مرقم درتیوز بش یحق غروش مصارف
تمیزیه نک ایلروده حقسز چیقہ جق طرفه رجوع
ایتمک اوزره اول امرده مستدعی حاجی یورداندن

الغاسنه فی ۲۳ شباط سنه ۳۰۶ تاریخندہ متفقاً
قرار ویرلدی .

دوزجه بدایت محکمه سندن ۱۹ ایلول
سنه ۳۰۸ تاریخی ویکرمی سکز عددی ایله
ویریلان اعلامک تمیزیه زراعت بانکسینه اضافله
دوزجه قضای زراعت بانک شعبه مأموری یوسف
افندی جانبندن باعرضحال استداس قلمش و یوم
معینده بانک مذکور وکیلی اوخانس افندی ایله
بالمقابله تمیز ایدن مدعی علیه قضاء مذکورک
چالور قریه سنده ساکن کرد اسماعیل اونباشی
ورود ایتمش اولملریله ایضاحات شفاهیہ لریله
باش مدعی عمومی معاوئرندن ابراهیم بیک
مطالعہ سی استماع قلندقدنصکره تدقیقات تمیزیه
اجراسنه ابتدار اولندی .

اعلام مذکورک خلاصه مالی دوزجه
قضای زراعت بانک شعبه سی مأموری یوسف
افندی مرقوم اسماعیل اونباشینک محلی زراعت
بانقه سنه برقطعه سند موجبجه دینی بولنان معلوم

المقدار مبلک تحصیلتی طلب ودعوی ایتیمسینه
قارشو عندالحا که مرقوم اسماعیل اونباشی
دخی کندوسی لیرای عثمانی یوز قرق غروشه
تداول ایتدیکی اشاده منافع صندوغندن سکر
ما بعدی وار

اعلان

فرانسه دولتی تبعه سندن طیب موسیواندره
موریونک کوجه زاده آندون افندی ايله
همشیره سی نکتار خانم ذمتلرنده برنجی محکمه
تجارت اعلامیله مطلوبی اولان آچمه نک تسویه سی
ضمننده چارشوی کیرده آینه جیلر باشی جاده
سند حرمین محترمین خزینه سی نظامی کدکلرندن
بش نومرو ايله مرقم اولوب متوفی کوجه زاده
آغوب افندی ايله والده سی دیروهی خانمک نام
مستعارلرنده مقید بولنان برباب چوقاجی کدکنک
اللی درت حصه اعتباریله یکریمی اتی حصه سی
بوندن مقدم لیدی المزایده لیرایوز غروش حسابیله
اون اتی بیک غروش بدل ايله طالبی عهده سنده
تقرر ایتیمکه قرار موقتی ویرلش وتاریخ اعلاندن
اعتباراً اوتوز بر کونه یعنی کله جک تشرین ثانی

رومینک اون سکرزنجی بازار ایرتسی کونی
ساعت اونه قدر یوز ده بش ضم قبول اولنسی
وذکر اولنان یوم وساعتده صوک مزایده سی
بالاجرا قرار قطنیسی ویریلرک طالبی عهده سینه
کچورلسی مقرر بولنش اولدیغندن و آندنصکره
هرنه ضم وقوعبولور ایسه قبول اولنیه جعندن
حصه مذ کوره بی اشترایه طالب اولنلرک ودها
زیاده معلومات المی استیانلرک بدل مزایده نک
عشرینه مساوی بی آچمه سی مستصحباً مدت
مذ کوره ظرفنده محکمه تجارت اجرا دائره سینه
مراجعت ایتلری و یوم مذ کورده محل مزبورده
حاضر بولنلری دائره مذ کورده دن اعلان
اولنور .

فی ۱۷ تشرین اول سنه ۳۱۲

علی اغانک در سعادت بدایت محکمه سی برنجی
حقوق دائره سندن استحصال ایلدیکی برقطعه
اعلام موجبیه الاجنی اولان مبالغک تأمین
استیفاسیچون مدیونک منلا خسرو محله سنده
کوچک مصطفی یاشا جاده سنده یتش یدی نومرو

ایله مرقم برباب ملک شکرچی دکانک سکر سهم
اعتباریله ایکی سهم حصه شایعه سنک تاریخ اعلاندن
اعتباراً اون بش کون صکره بالمزایده فروخته
تثبت اولنجهنی در سعادت اعلامات نظامیه اجرا
دائره سندن اعلان اولنور .

فی ۲۱ تشرین اول سنه ۳۱۲

یالیزجی اوغلی واسیلایکینک تجارندن
تئودوس سیمون اوغلی ذمتده الهجنی اولان
مبالغک تأمین استیفاسی ضمننده اوغولی محله سنده
بر نومرو لی نصف خانه سبله اطنده اسکله حامی
محله سنده اورته بوستان موقعنده ایکی باب کارگیر
عقاریله وینه محل مذ کورده شاکر پاشا موقعنده
معلوم الحدود ترلا وباغی بک اوغلی برنجی حقوق
قراریله ۱۵ نیشان سنه ۳۱۲ تاریخنده تحت چیره
النرق وچیز مذ کورک تصدیقی محکمه مرقومه دن
صادر اولان اعلام موجبیه محکوم اولوب اعلام
مذ کور حکمنک اجراسی داین طرفندن طلب
اولنغله اولباید تنظیم اولنان اخبار نامه محکمه

دیوانخانه سینه تعلیق اولنغله اجرا قانونک یکریمی
طقوزنجی ماده سی موجبیه تاریخ اعلاندن اعتباراً
طقسان برکون ظرفنده مدیون مرقوم کلوب
اثبات وجود ایتسی ویاخود طرفندن مصدق
بر وکیل کوندرسی کوندردیمیکی حالد حقه
معامله قانونیه نک اجرا اولنجهنی بک اوغلی اجرا
مأموریتی جانبندن اعلان اولنور .

فی ۱۹ تشرین اول سنه ۳۱۲

اقتیمیه خاتونک دللال یانی زوجیه سی فوطنی
خاتون ذمتده با اعلام الاجنی اولان مبالغک
تأمین استیفاسی ضمننده تحت چیره النان قاضی
قریه سنده یل دکر ماننده قره غولخانه زقاغنده
اوقاف مضبوطه دن دارالسماده اغاسی ابراهیم
اغا زاویه سی وقفندن برطرفی چاوش یاسفک منزل
وباغچه سی و برطرفی صراف قسطنینک منزل وباغچه سی
وطرف رابی طریق عام ايله محدود بش اوطه
وایکی صوفه و بر مطبخ وایکی حلا و بر کیلار
وایکی زقاق قیوسی و بر قیو وارقه طرفنده تخمیناً
ایکیوز اوشون باغچه دروننده اشجار غیره شمیره بی

حاوی وفاء مفروغ بولسان متصرفه بولندینی
برباب خانه سی عندالمزایده لیرا یوز غروش
حسابیله اون طقوز بیک سکن یوز غروشد
داینه عهده سنده تقرر ایدرک تاریخ اعلاندن
اعتباراً برماه ختامنده قرار قطعیسی ویریه چکی
جهتله یوزده بش ضمیمه زیاده به طالب اولنلرک
مدت مذکور ظرفنده اسکدار بدایت محکمه سی
اجرا دائره سینه مراجعت ایلملری اعلان اولنور.

۲۱ تشرین اول سنه ۳۱۲

فی ۱۷ تشرین اول سنه ۳۱۲

عایشه خانم قاضی قریه سی ساکنه لردن
خدیجه خانم ذمتنده بااعلام الاجفی اولان
مبالغک تأمین استیفاسی ضمتنده تحت مجزه النان
درسعادتده خواجه پاشا محله سنده قره کی حسین
چلبی محله سنده خداوندکار جاده سنده برطرفی
مذکور جاده و برطرفی درویشلر قاغی و برطرفی
علی نظمی افندی منزلی ایله محدود درت اوطه
وایکی صوفه و برقیو و بر مطبخ و مقدار کافی
بانچینی حاوی یکریمی اوچ نومرولی خانه و مذکور
خانه به متصل تخمیناً اوچ یوز الی آرشوندن
عبارت اون طقوز و یکریمی نومرولی عرصه لره
متصرفه اولدینی اوچ ربع حصه سی تاریخ اعلاندن

پنایوطک بک اوغلی $\frac{۳۴}{۹۱}$ نوو مرسیله مقید
اعلام موجبجه نوشهرلی داغلی اوغلی عبده
اغاذمتنده جهت کفالتدن الاجفی اولان معلوم
المقدار مبالغک تأمین استیفاسی ضمتنده مدیون
مرقومک بشکطاشده کوی ایچینده امام زاده
سوقا غنده بش نومرولی قهوه خانه سنده بولنان
نارکوله و ماصه واسکمله و لامبه و طاوی و سائر
اشیاسی بک اوغلی بدایت محکمه سی ریاست اولیسی
جانبندن ویریلان قرار اوزرینه تحت مجزه النمش

اعتباراً اون بش کون صکره بالمزایده فروخته
مبادرت اولنه جفی اسکدار اجر دائره سندن
اعلان اولنور.

۲۴ تشرین اول سنه ۳۱۲

مانیفاطوره تبارندن پرودروموس دیمتریسا
دیسک کمرک دلالارندن باروثر مونوئلیان علیه
اوله رق درسعادت بدایت محکمه سی برنجی
حقوق دائره سنده اقامه ایلیکی تصدیق چیز
دعواسنک بوم رؤیتی مبین تنظیم اولنوب علی
الاصول مرقومه تبلیغ و امضای بتدیر ملک اوزره مقیم
بولندینی قوم مقبوده بالی پاشا یقوشنده قره یحیاق
میخانه سی قارشوسنده بلا نومرو خانه به ورقه
دعوتیه ارسال اولدینی حالده محله مذکور
ارمنی مختاری طرفندن مرقوم باروثر مانوئلیانک
حال غیوبتده اوله رق بولنه مدینی افاده سیله اعاده
قلمش و مدعی دخی معلوم برقامتگاه بیان
و تعیین ایده میوب غزته لرله اعلان کیفیت ایلمسی
طلبنده بولنش وشو طلب ایسه اصول محاکمه
حقوقیه قانوننک یکریمی التبی ماده سی احکامنه

موافق اوله رق ماده مبسوته احکامنه توفیقاً
مذکور دعوانک تشرین ثانینک اون سکنزنجی
بازار ایرتسی کونی رؤیت اولنه جفنه دائر ترقیم
اولنان دعوتیه ورقه سی محکمه دیوانخانه سینه تعلیق
ایدلش اولدینی کی بر صورتی دخی شو وجهله
اعلان ایدلش اولدیغندن بوم مذکورده ساعت
بش راده لرنده مرقوم باروثر مانوئلیانک بالذات
محکمه ده بولنمی و یاخود مصدق سندله بر اوکیل
کوندرمسی و عکس حالده قانون مذکورک یوز
قرق بشنجی ماده سی موجبجه حقنده معامله
غیاییه اجرا اولنه جفی اعلان اولنور.


فی ۳ جمادی الاخر سنه ۳۱۴

وفی ۲۸ تشرین اول سنه ۳۱۲

نوبر وشاذمند خانملرک درسعادت بدایت
محکمه سندن استحصال ایلدکری اعلام موجبجه
یورغانچی فائق افندی ذمتنده محکوم به الاجفی
اولان معلوم المقدار مبالغک تأمین تسویه سی
ضمتنده مدیون مومی الیه بک اوغلی جاده
کیرنده واقع التی یوز یتش بش واتی یوز

یتشیدی نومرولی دکان فوقنده واقع طقوز
اوطهینی حاوی املاکده متصرف اولدینی ربع
حصه شایعه سنک التمش بر کون اجرا قلنان
مزایده علیه نتیجه سنده ایرای عثمانی یوز
غروش حسابله اون درت بیک ایکی یوز
غروشده طالبی عهده سنده تقرر ایدرک مدتک
انقضاسنه مبنی موقتاً قرار داده سی کشیده
قلنمش اولدیغندن بوندن زیاده یه یعنی یوزده
بش ضمیله طالب اولانلرک ودها زیاده معلومات
المق استیانلرک اوتوز بر کونه قدر دائره یه
مراجعه له بی سورملری ومدتک انقضاسنی
متعاقب قرار قطعسی کشیده قلنه جنی درسعات
اعلامات نظامیه اجرا دائره سنندن اعلان
اولنور .

فی ۲۴ تشرین اول سنه ۳۱۲



پوسته وتلغراف نظارت علیه سنک غلطه ده
تونل خاتنده مغازه لرنده ساکن ایکن مغازه لرینی
قیابوب خان مذکورده بولندقلری واقامتکده
هلری مجهول بولندینی خبر ویریلان مهران

قرسپ و بکلکجیان علیهلرینه درسعات محکمه
تجارتی ایکنجی مجلسنده اقامه ایلدیکی سکز بیک
اوچیوز اون یدی لیرا مطلوبات ادعاسنک بیک
اوچیوز اون ایکی سنه سی تشرین ثانیسنک اون
التنجی جمعه ایرتسی کونی ساعت التیده فصل
ورؤیت اولنه جفتندن یوم ووقت مذکورده
مدعی علیه مرقومان مهران قرسپ و بکلکجیانک
بالذات محکمه مزبورده حاضر بولملری و یاخود
مصدق سندله بروکیل کوندرملری لازم کله چکی
وشاید کلز و وکیل کوندرمز ایسه لر حقارنده
معامله قانونیه نک غیاباً اجرا اولنه جنی معلوم
اولقی اوزره اولبابده تنظیم اولنان دعوتیه
ورقه سی محکمه دیوانخانه سنه تعلیق اولندینی
کبی اوراق حوادث واسطه سیله دخی اعلان
اولنور .

فی ۳ جمادی الاخره سنه ۳۱۴

وفی ۲۸ تشرین اول سنه ۳۱۲



(مطبعة عامره ده طبع اولنمشدر)